

## Para Kay Catriona

I Belong To The Zoo

Lakad niya'y tila pag-agos galing sa bulkan  
Tinig at ngiti niya ay dalangin nino man  
Sa dahan ng pag-ikot niya ay  
Dahan-dahan kong naramdaman  
Ako ay ako lang  
'Di siya magiging akin kailanman

Busilak ang pusong kay lapit sa maralita  
Kita sa kanyang tindig, dinig sa salita  
Perlas ng Silanganan at  
Ang sansinukob ay siya ang hirang  
Ako ay ako lang  
'Di siya magiging akin kailanman

Ako'y maghihintay sa pag-uwi mo't pagkaway  
Parada ng ngiti mo't nakamit na tagumpay  
Habang watawat ay aking winawagayway  
Paulit-ulit sa isip ko ay...

Ako'y maghihintay sa pag-uwi mo't pagkaway  
Parada ng ngiti mo't nakamit na tagumpay  
Habang watawat ay aking winawagayway  
Paulit-ulit sa isip ko ay...

Pagtingi'y 'di babalik, ako'y nahihibang  
Guhit sa ulap ay naglalaho ang kinang  
Pinagpapasalamat at pinagpapasalangit ko na lang  
Ako ay ako lang  
Buong mundo'y siya ang hirang  
Sa panaginip man  
'Di siya magiging akin kailanman